

Il rumantsch grischun en la scolaziun

Autor(en): **Cathomas, Bernard**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **71 (1986)**

Heft 27

PDF erstellt am: **27.05.2024**

Persistenter Link: <https://doi.org/10.5169/seals-881682>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

Il rumantsch grischun en la scolaziun

da Bernard Cathomas

1. In per tuts – e per mintgin il sieu

Il rumantsch grischun è ina realitat. Quatter onns suenter sia creaziun sa cumprova quest linguatg da standard gia en numerusas domenas che eran – fin al rumantsch grischun – tudestgas. «In rumantsch valaivel per tuts u nagin rumantsch» era savens la devisa u stgisa per administraziuns, interpresas ed organisaziuns da muntada surregiunala, chantunala u naziunala che vulevan da princip applitgar il rumantsch, che resignavan dentant pervia da la diversitat idiomatica. In linguatg che vul esser preschent en administraziuns centralas – e betg sulettamain en la regiun – sto disponer dad in unic linguatg da scrittira per la comunicaziun surregiunala. Il rumantsch grischun vegn tenor definiziun duvrà per *remplazzar il tudestg* en scrittiras destinadas al territori rumantsch. E quai ch'ins na po betg repeter avunda: il rumantsch grischun è in linguatg da scrittira, nagin sto emprender da *pledar* quel, nagin sto – mintgin sa dentant senza problem – emprender da *scriver* quel. Tuts duessan dentant savair leger e *chapir* el cun in pau bunaveglia e premura. Ils idioms mantegnan lur funcziun da fin ussa.

Ils pli gronds avantatgs dad in linguatg da standard èn:

- La Rumantschia po sa preschentar vers enora sco in'unitad cun ina tscherta forza e po esser ina da las quatter gruppas da linguatg svizras.
- Il rumantsch acquista novas domenas da diever.
- La terminologia nova per novas chaussas vegn gia da l'entschatta creada e derasada en rumantsch. Il pass dal rumantsch grischun al singul idiom è per regla ina bagatella che funcziunescha quasi automaticamain. (Ina traducziun dal tudestg en l'idiom è dentant magari difficulta per mancanza da pleds e pervia da la structura da linguatg differenta).

2. Directivas

Il rumantsch grischun è sco tal strusch pli dispitaivel. Er ils pli gronds skeptichers vesan la necessitat d'in tal linguatg da scrittira en il temp dad oz, ed ils avantatgs èn incontestabels. Ord nossa istoria savain nus, quant dolurusa e custaivla ch'ina avischinaziun successiva dals idioms cun pitschnas midadas po esser. L'avischinaziun dals idioms è ina spezia da nivellaziun. In linguatg da standard dentant na tanghescha betg variantas persunalas, localas e regiunalas creschidas. El fa mo in tetg sur l'entira chasa dals idioms e sveglia uschia pli pauc lasemoziuns latentas en connex cun midadas dal «vierv matern ertà». Mintgin salva ses idiom, sia moda da pledar e ses pleuds. Il «linguatg da confecziun» (che va per tutti) rumantsch grischun sa constituescha d'elements ils pli frequentes dals idioms e tegna quint da ponderaziuns filologicas ed istoricas cumprovadas.

La laver filologica da concepziun e creaziun è terminada e cumprovada en ils princips generals. Ussa vegn l'infrastructura anc amplifitgada cun vocabularis e grammaticas pli voluminus e cumplessivs. *Crear* in linguatg da scrittira surregiunal è dentant mo ina part da la laver. In segund pensum betg main difficil è *d'introducir e derasar* quest linguatg. Tge texts duain cumparair en rumantsch grischun? Nua na duai il rumantsch grischun avair nadin access? Quant lunsch po e duai la derasa-ziun vegnir planisada e dirigida? Cura e co duai il pievel prender posiziun?

La directiva da la Lia rumantscha è clera, flexibla, lascha spazi da decider e dat al rumantsch grischun la pussaivladad da crescher. A chascun da la radunanza da delegads da la stad 1984 a Falera è vegnida acceptada la sequenta decisiun concernent l'adiever dal rumantsch grischun: «*Il rumantsch grischun sco linguatg da punt e standard vegn duvrà per texts da tut gener che sa drizzan a l'entir territori rumantsch e per tutti cas, nua che sulettamain ina varianta vegn en dumonda.*» Questa directiva è vegnida prolungada per 3 onns da la radunanza da la LR il zer-cladur 1986 a Veulden.

Da questa decisiun sa resulta l'intenziun da laschar crescher il rumantsch grischun successivamain, pass per pass ed en atgna dinamica. Votaziuns dal pievel en ina tala dumonda ed en questa fasa iniziala paran en mintga cas deplazzadas. Per l'ina è la creaziun dad in linguatg da standard ina laver filologica tenor princips scientifics, e per l'autra resta «il product» rumantsch grischun ina offerta facultativa che lascha a mintgin la libertad da sa decider pro u contra. Votaziuns obligassan, sfurzas-

san ed impedissan uschia in svilup organic e successiv. Ina decisiun democratica succeda tuttina di per di entras ils lecturs ch'acceptan u refusen il rumantsch grischun. Cun mintga nov text en questa furma s'augmentan da raschun l'acceptanza e la prontadad da sa famigliarisan cun la nova offerta dad in linguatg da standard. Tegnair tras questa fasa iniziala difficile e surtut l'indifferenza probabla suenter l'euforia da la crezion, quai savess esser decisiv per l'avegnir dal nov linguatg da scrittira.

Dal reminent na dependa la creschientscha dal rumantsch grischun per gronda part betg da disposiziuns e decisiuns da la Lia rumantscha. Per regla decidan quels che vulan derasar in text en rumantsch en atgna responsabladad d'eleger il rumantsch grischun, simplamein per il motiv che sulettamain questa varianta sa mussa praticabla en tants e tants cas. La glista – betg cumpletta – da texts pli lungs en rumantsch grischun, agiuntada a questa contribuziun, cuntegna era ils «responsabels» per questas publicaziuns, quai vul dir, quels che dattan las incumbensas da translaziun en rumantsch grischun. La Lia rumantscha metta a disposiziun il rumantsch grischun sco vehichel. Mintgin sa – negin sto! – far diever da quel.

3. Instanzas da derasaziun per in linguatg da scrittira

Ins sa distinguere pliras vias per derasar in linguatg da standard en ina cuminanza: meds da massa, scrittiras uffizialas, cumonds uffizials, iniziativas privatas, la scola e.a.. Per il rumantsch grischun èn fin uss stadas decisivas: publicaziuns dad uffizis federalis (surtut er da la PTT); scrittiras da tuttas sorts d'interpresas privatas, segiradas, bancas etc.; texts dad organisaziuns svizras e chantunalas destinads per l'entira Rumantschia; communicaziuns ed inserats en las gasettas. L'istanza classica e la pli effizienta per introducir in linguatg da standard, uschia che mintgin po er far diever activ da quel (leger, scriver u schizunt pledar), è senza dubi la scola. Gist en connex cun la scola dentant sveglia il rumantsch grischun dentant emozions, temas e grondas resalvas. L'introduziun dal rumantsch grischun en scola fiss effectivamain in grond pass. En il svilup dal rumantsch fiss questa fasa dentant tuttavia in stgalim consequent e logic. Il linguatg instrui en scola reflectescha adina las dimensiuns dad ina cuminanza. In sguard en nossa istoria demussa, co il linguatg da scola è sa sviluppà dal manaivel al lontan en tschertgels concentrics. Cur che las emprimas scolas publicas èn vegnidias avertas enturn la mesedad dal davos tschientaner, emprendevan noss scolars –

da raschun – da scriver il linguatg local e legevan las paucas translaziuns, surtut biblicas, dal 18avel e da l'entschatta dal 19avel tschientaner. Questa lectura sa distingueva considerablamain da las variantas localas pledadas. En quest connex èsi da punctuar ch'ils idioms scrits tranter l'Engiadina e la Surselva sa distinguevan pli baud pli pauc l'in da l'auter che oz. A partir da la renaschientscha rumantscha a la fin dal davos tschientaner han ils scriva-cudeschs accentuà adina dapli quai che sparta e distingua ils idioms, enstagl da promover quai ch'unesccha. La situaziun a l'entschatta da l'era da scola sa preschentava pia pli u main sco suonda: In *linguatg per la lectura* magari lontan da la varianta locala; in linguatg d'instrucziun e da plidar en tonalitad locala. Cun la grammatica da Giachen Caśpar Muoth e cun la renaschientscha rumantscha è ina norma da scriver per la Surselva sa sviluppada cun tschertas differenzas tranter la Surselva catolica e la Surselva refurmada. En ils emprims decennis da quest tschientaner ha il sursilvan sviluppà successivamain ina norma adina pli consistenta (cf. grammatica da sur G. Cahannes), la finala fixada en ils vocabularis da Vieli e pli tard da Vieli-Decurtins. Quels manuals han alura era influenzà las scolas sur ils cudeschs da Toni Halter/Luzi Cadruvi («Muossavia»), d'Adolf Hosang (p. ex. «Dall'ortografia romontscha», «Las 10 specias da plaids»), e.a..

4. Novas dimensiuns

Per in diever dal rumantsch limità sin la Surselva bastava sa chapescha ina norma sursilvana. En il decurs dals davos onns e decennis èn ils basegns da communicaziun rumantscha sur las regiuns dentant s'augmentads. Quest svilup communicativ da la cuminanza pretenda insacura er in svilup en ils meds da communicaziun da questa cuminanza. Questa nova situaziun ha possibilità il rumantsch grischun e questa nova situaziun vegn – cura ch'il temp è madir – er a chattar l'infrastructura indispensabla per il diever da quest linguatg. La scola ha la finala il pensum da preparar per la vita. Sch'il rumantsch grischun daventa en il decurs dals onns u decennis anc dapli il linguatg scrit per tants e tants secturs da la vita, alura vegn la scola strusch a mitschar da s'occupar cun questa nova dimensiun e d'integrar quest aspect en sia purschida. Ina tala novaziun na sa lascha dentant betg cumandar u sfurzar. Ella sto crescher cun ed or dal temp. Sch'ins accepta e promova (per motivs pratics e perquai ch'autras soluziuns n'existan betg) da duvrar il rumantsch grischun en scrittiras e formulars publics etc., alura ston ins era plau a plau s'occu-

par cun la dumonda, cura e co ch'ils burgais e «consuments da texts» duain e pon emprender quest linguatg da scrittira. Quest svilup sto ir da sut ensi, el po mo veginir sustegnì – sin giavisch – cun mesiras da sur-engiu.

Mias ipotesas èn las sequentas:

1. Il pievel vegn a giavischar il rumantsch grischun sco linguatg da scola, cur ch'el vesa che quest linguatg ha ses plaz indispensabel en la cuminanza. Quel mument na dovri nagan cumond, sulettamain l'abilitad dals manaders da prender las disposiziuns che s'imponan.
2. La preparaziun dals scolasts e da materias d'instrucziun per instruir il rumantsch grischun sco linguatg scrit sa lascha – cur ch'il temp è madir – prestar senza grondas difficultads.
3. Emprender sco linguatg scrit directamain il rumantsch grischun nun è pli difficil che d'emprender oz sursilvan, sutsilvan, surmiran, puter u vallader. Quests idioms restassan vinavant linguatgs da pledar e variantas scrittas per las regiuns.

5. Entschattas en la scolaziun

Crear in linguatg da scrittira e metter quel en ina stgaffa da vaider u en in archiv, quai na po betg esser l'intenziun dad ina instituziun sco la LR che vul augmentar la preschientscha dal linguatg en la vita quotidiana. Per quest motiv ha la LR sezza organisà u insinuà auters da far emprovas cun il rumantsch grischun en la scolaziun. Emprovas realisadas u discutadas:

5.1. *Curs per Rumantschs che vulan emprender da scriver rg*

Sch'ins sa gia scriver in idiom chaschuna il rumantsch grischun pitschna lavur d'emprender. Cun il PLEDARI e la GRAMMATICA FUNDAMENTALA avant maun, cun in curs da ca. 10 sairas, cun in pau exercizi e surtut cun la volontad e la prontedad da far diever da quest linguatg da standard pon ins emprender il rumantsch grischun relativamain spert. Curs han gì lieu a Savognin, Mustér, Zuoz, Cuira, Berna, Turitg e. a. Anc datti paucs che drovan il rumantsch grischun per scriver. Pli impurtant èsi da savair leger el en las differentas scrittiras che cumparan. Per questa intenziun na dovri nagins gronds curs e nagins studis; sulettamain la buna-veglia ed in pau pazienza e mintgatant in pau toleranza. Quai è dentant gia bler!

5.2. Curs per persunas na-rumantschas per emprender rg

Ils participants da tals curs sa decidan per il rg per emprender in rumantsch ch'els pon duvrar en l'entir territori, p. ex. sch'els han contacts en Surselva, en Surmir ed en Engiadina. Per tals curs ha Gieri Menzli elavurà in med d'instrucziun. A Savognin, Cuira, Turitg ed en auters lieus han tals curs da rumantsch grischun per Na-rumantschs gì lieu cun bun success. Las difficultads da quels ch'emprendan rumantsch grischun per pledar e duvrar alura quest rumantsch grischun en las diversas regiuns èn pli pitschnas che previs. Mintgin ch'emprenda in linguatg ester ha numnadaman in accent. Sch'in ester emprenda rumantsch ha el in accent che segna el sco in che ha emprendì il linguatg. L'accent po en tscherts cas bunamain esser uschè grond sco la distanza tranter il sursilvan ed il rumantsch grischun. Quest linguatg po dentant esser ina fitg buna basa per far – sche quai daventa necessari e giavischaivel – il pass a l'idiom preferì. Quest pass duess betg dar grondas difficultads.

5.3. Curs en scolas medias per Na-Rumantschs che vulessan emprender rumantsch sco rom facultativ

En la scola da dunnas chantunala, en il seminari scolastic ed en otras scolas medias datti magari ina grupper da scolars che vulessan emprender rumantsch. Sche tuts vulessan emprender il medem rumantsch, dessi ina classa. Savens vulan dentant da total ca. 8–10 interessads p. ex. 3 emprender sursilvan, 3 ladin, 2 surmiran ed 1 forsa anc sutsilvan. Questas gruppas pitschnas na dattan dentant betg classas. Per quest motiv resti savens tar la buna intenziun. In linguatg da scrittira pussibilitass da mantegnair la grupper ensem, da mussar a tuts il medem linguatg per scriver e latiers da laschar udir, co ch'ils idioms tunan, da promover la chapientscha passiva, per ch'il singul possia chapir quels, sch'el va en la regiun. El sez vegn franc chapì, sch'el dovra il rg. E sch'el resta en la regiun vegn el prest a far il pass a l'idiom.

5.4. Rumantsch sco rom d'elecziun obligatori per scolars da linguatg tudestg (1.–3. classa) en il seminari scolastic a Cuira

En il seminari scolastic a Cuira emprendan ils scolars da las partiziuns tudestgas da la 1.–3. classa talian sco rom obligatori. Insaquants dals scolars en las partiziuns tudestgas derivan da famiglias rumantschas u da vischnancas al cunfin da linguatg rumantsch – tudestg (p. ex. Glion,

Flem, Domat, Razén, Tumleastga, Lai, Val d'Alvra, Engiadin'auta). Na fissì betg stupent, sche quels savessan emprender da la 1.–3. classa dal seminari il rumantsch enstagl dal talian? In tal modus n'è fin uss betg stà pussaivel, surtut perquai ch'il rumantsch na po betg preschentar sco il talian in linguatg da scrittira che vala per tuts e perquai che las gruppas idiomáticas interessadas èn magari uschè pitschnas ch'ina instrucziun daventa per motivs d'urari, d'organisaziun e da finanzas nunpussaivla. Pretender che quels scolars emprendian il sursilvan u il vallader (ils 2 idioms ferms) è strusch raschunaivel e realisable, damai che questi idioms lian ils interessents vid territoris, nua ch'els han strusch schanzas d'esser activs sco scolasts. Sche già, stuessan ils idioms pitschens dals territoris da cunfin vegnir en dumonda.

La conferenza dals scolasts dal seminari fiss d'accord da resguardar il rumantsch per ils scolars da las partiziuns tudestgas da la 1.–3. classa sco rom d'elecziun obligatori (elecziun tranter *talian e rumantsch*), sut la cundiziun ch'ina singula varianta rumantscha (p. ex. il rumantsch grischtun) stess a disposiziun. Ins sa be sperar che las autoritads decisivas lubeschian questa emprova che possibilitass interessants experiments cun ina gruppa da scolars che na vegn en mintga cas betg en dumonda per l'instrucziun en ils territoris da tschep, che pudess dentant avair ina gronda funcziun en territoris al cunfin linguistic. Din las autoritads decisivas na ad in tal experiment, alura avain nus vinavant quai che nus avain adina gi: nagut. Uschè simpla è questa chaussa. Il rumantsch en sias numerosas variantas idiomáticas n'è deplorablament betg ina alternativa praticabla en talas situaziuns, sco l'experimentscha mussa.

5.5. Cudeschs d'instrucziun per scolas medias e professiunalas en rumantsch grischtun

Concret sa tracti per il mument da

- «*Istorgia da la litteratura rumantscha per scolas e pievel*»

da Gion Deplazes. Quest manual, planisà en plirs toms da ca. 100 paginas, cumpara cun ils texts originals mintgamai en ils singuls idioms ed ils texts da declaraziun e descripziun da las ovras en rumantsch grischtun. Ina consultazion ed ina discussiun cun ils scolasts da scola media ha purtà in resultat positiv per questa soluziun.

- «*Economia*»

d'Iso Tuor, tenor l'edizion tudestga «Wirtschaftskunde». Questa ovra, destinada per las scolas professiunalas e mercantilas, vegn – essend il rumantsch anc betg fitg integrà en las scolas professiunalas – a cun-

tanscher relativamain paucs scolars. In'ediziun en ladin e sursilvan fiss gia per motivs da custs e dals paucs scolars in project strusch realisabel. Sche quest med – approvà dals scolasts pertutgads – ha buna accoglientscha en rumantsch grischun, alura è quest experiment da cuntinuar. Cudeschs per *civica*, per tschertas materias professiunalas specificas dal rom e.a. daventassan alura pussaivels. Per l'instrucziun en ils idioms metta la Lia rumantscha a disposiziun cudeschs en sursilvan e ladin. Problems existan dentant en questa instrucziun per scolars surmirans e gronds problems era en classas rumantschas maschadadas ladin – sursilvan, p.ex. en la scola professiunala e mercantila a Cuira.

5.6. *Texts che tangheschan la scola/il scolar*

Scolaziun na succeda betg mo en scola. Il scolar allert – surtut quel! – po gia oz vegnir confruntà cun il rg en diversas situaziuns. La LR metta a disposiziun comics en rg; il «PLED RUMANTSCH 4» (l'ediziun cun pleds novs da la LR) cumpara quest atun cun il chavazzin en rg (enstagl da tudestg sco fin uss) ed ils idioms en successiun; en il «Museum da la natura» a Cuira stattan las inscripziuns en rg sper tudestg e talian; il «Vocabulari administrativ giuridic» cumpara en rg cun resguard dals idioms; sin posta legia il scolar placats e scrittiras en rg, etc. Nus essan en ina fasa da *contact* ed en questa fasa drovi texts che lubeschan *contacts* cun quest nov linguatg. Sch'il maun public publitgescha adina pli blers texts en rumantsch grischun – per motivs da custs e da praticabilitad –, alura ston era activitads che pussibiliteschan da s'approfundar en quest linguatg vegnir sustegnidias. Il disturbi che quest linguatg po chaschunar, p.ex. per l'instrucziun da linguatg en ils idioms, è probablamain fitg relativ. Pareglià cun auters disturbis che tangheschan oz ils scolars (television, reclamas sin via da scola, caneras, occurrenzas betg scolasticas da tuttas sorts e.a.) pari bunamain ridicul da discutar da disturbis chaschunads tras ina chaussa sco il rg. Dal reminent dovrà en la fasa da contact franc ina tscherta toleranza per eventualas interferenzas tranter rg ed idiom, ed 1 u 2 eventuais sbagls dapli pervia dal rg na duessan betg chaschunar il naufragi da la scola!

5.7. *Texts litterars*

Ina dumonda betg anc sclerida è, quant lunsch che texts litterars en ediziun sinoptica cun l'idiom ed ina transfurmaziun en il linguatg da scrittira

savessan esser nizzaivels per la scolaziun en la domena dal linguatg da scrittira. Dapi entgin temp exista l'idea per ina ediziun da texts litterars da divers idioms, mess en rg.

6. Excus: temas

Er sch'il rumantsch grischun è, en cumparegliaziun cun outras evoluziuns dals davos decennis ed onns – da las qualas el sa resulta la finala sco consequenza logica sin plau linguistic – mo ina pitschna chaussa, astgan las temas evocadas d'ina tala midada betg vegin sutvalitadas. Scolasts pon temair da stuair emprender da nov in tal linguatg; geniturs da betg pudair gidar lur uffants endretg a far ils pensums; poets e scripturs che lur ovras gaiyan en emblidanza; persunas creschidas che lur linguatg da scola na saja betg pli suffizient. Il linguatg è ina chaussa fitg privata e va a cor. Temas na san ins betg stgatschar cun bagatellisar, plitost cun las prender serius ed articular. La meglra medischina è l'infuriazion, la confidanza en la forza da la gruppa ed en las atgnas abilitads. Sche nos scolasts èn pronts d'acceptar tschertas difficultads en ina fasa da transiziun, da controllar la «furia formala» e da supportar ina u l'autra errur ortografica ed interferenzas nunevitablas, pudess il rumantsch grischun schizunt daventar in eveniment en la scola. E sch'il rg cuntanscha alura ina giada en las scolas rumantschas la medema posiziun sco il «Hochdeutsch» en las scolas da la Svizra tudestga, avessan nus pers pauc e gudagnà bler:

- Ils idioms restassan vinavant ils meds da communicaziun (a bucca) centrals ed impurtants. Per l'adiever privat e regional pudessan queste idioms vegin scritys vinavant (forsa en furma libra sco ils dialects svizzers oz). (cf. Sieber, P., Sitta, H., *Mundard und Standardsprache als Problem der Schule*, Reihe Sprachlandschaft, Band 3, Aarau 1986).
- Linguatg scrit da norma – quel perda sco med activ adina dapli munntada per il singul che scriva per regla fitg pauc – fiss il rumantsch grischun. Enstagl dal linguatg da standard sursilvan dad oz – ch'è er già in cumpromiss e sa differenziescha per part considerablamein dals idioms locals e subregionals, p.ex. da Medel, da Tujetsch, da la Lumnezia e.a. – emprendess il scolar directamain il standard surregiunal. Quel valess per l'entir Grischun rumantsch, dess pia al scolar in radius d'acziun pli vast e la pussaivladad da leger senza difficultad tantas e tantas scrittiras che daventan er per el impurtantas en sia vita.

- La litteratura regiunala restass vinavant en sia furma originala materia d'instrucziun. Dal reminent han era ils dialects svizzers lur tradiziuns sco linguatgs scrits e disponan per part da litteratura che sa lascha senz'auter mesirar cun la rumantscha.

7. Il futur

Il rumantsch grischun crescha, sche nus laschain crescher el. Dar prognosas per ses diever en scola è dentant fitg grev. Las scolas en ils territoris da tschep (Surselva, Surmeir ed Engiadina bassa) n'èn per franc anc ditg strusch tangadas da quest linguatg. Emprovas vegnan magari giavischadas u ponderadas en vischnancas al cunfin da linguatg che han per regla scolas fundamentalas tudestgas e che han in rumantsch che sa distingua fitg da quel da las regiuns da tschep (p.ex. differenza tranter sursilvan e dialect dal Plaun, tranter Surses e tschertas vischnancas en la Val d'Alvra). Uschè ditg che l'instrucziun rumantscha en quellas vischnancas resta rudimentara (1 fin 2 uras ad emna) sco fin ussa, vegn ins a sa concentrar sin l'instrucziun a bucca en ils dialects locals. Vegn quella instrucziun dentant schlarsiada – quai fiss zunt necessari e giavischaivel – alura sa tschenta la dumonda dal rumantsch grischun en talas vischnancas. Per scolars da Razén u Domat na fiss il rumantsch grischun betg pli difficil ch'il sursilvan, il cuntrari forsa. Problems giuridics na duess ina tala decisiun betg chaschunar, la finala è gea la vischnanca cumptenta da fixar il linguatg da scola.

Questa determinaziun giuridica duess era pacificar quels che han tema e dubis ch'insatgi pudess ina giada dictar da surengiu novaziuns inaccep-tables per els. Cun dictats e cumonds na cuntansch'ins en la Rumantschia – tenor lungas experientschas – betg las massas. Quels che han da decider en dumondas da linguatg èn speranza adina conscents da quai.

Decisiuns en talas dumondas èn mo pussaivlas cun vast sustegn. Ina tscherta speranza e fidanza dastg'ins bain avair en la veglia dals Rumantschs da survivere, en il senn dals muntagnards per realitads ed en lur abilitad da sa cumporlar confurm a necessitads. Avant ch'introducir il rumantsch grischun en scola stuessan dentant anc diversas lavurs vegnir prestadas: la preparaziun dals scolasts, l'elavuraziun sistematica da meds d'instrucziun, l'infurmaziun dad autoritads e geniturs etc. Er qua portan blers pass pitschens pli lunsch che paucs gronds. *Singuls experiments en scolas adattadas fissan dentant da promover e lubir gia uss per possibilitar discussiuns a basa d'exempels concrets e per fundar de-*

cisiuns futuras. Per interessents bainvulents datti dentant gia oz numerosas bunas chaschuns da far in maletg real dal rumantsch grischun.

«Prevair» è quest onn il slogan sper las autostradas. «Prevair» vala er en connex cun il rumantsch grischun e la scola. La tema dal futur e ina nauscha cussegliadra, er en dumondas linguisticas. Mintga linguatg sa mida en il decurs dal temp e crescha cun la cuminanza e ses basegns da communicaziun. Cun star sur ils pumers dal passà pon ins betg furmar in avegnir. – La scola sto strusch star a la front da svilups novs. Ella duess dentant esser novativa cun recepir ideas che segnan il temp e resortan da novs basegns da la societad.

Publicaziuns pli lungas en rumantsch grischun

(gliesta incumpletta, stan atun 1986; da retrair da la LRI!)

Agid a sasez ed al camarat el cumbat, ed. Armada svizra, 1985

Aids, ed. Uffizi federal da la sanudad publica, Berna, 1986

Allocuziuns publicas da cuss. fed. Leon Schlumpf, 1984, 1985

101avla *Assemblea da delegads*, Federaziun svizra da pestga e piscicultura

Baselgia catolica dal chantun Grischun, circularas e texts da lescha, 1984ss.

Bibliografia retorumantscha 1552–1984, introducziuns, register da chavazzins en rg, LR, Cuira, 1986

Biologia, fegls d'instrucziun per la Scola da dunnas a Cuira

Brevier da la «VITA» davart l'emprim agid, ed. Vita, Turitg

CAGIENARD, F. / VINCENZ, V., *Grischetta si culm*, Desertina/LR, Mustér, Cuira, 1984

CATHOMAS, B., «Linguatg da scrittira unifitgà rg» en: *Calender surmiran*, 1984

Chalender d'utschels, ed. Staziun ornitologica svizra, 1984–86

Circus Nock–program, 1984/85

Correspundenza privata e da fatschenta, in agid pratic per Vossa corrispondenza cun introducziun e commentaris, LR, Cuira/Weka SA, 1985ss.

Cudesch da telefon, part rumantscha, PTT, 1983, 1984, 1985

Cudeschet da spargn d'energia, ed. Uffizi federal da l'energia, 1984

DARMS, G., *Vocabulari fundamental tudestg-rumantsch grischun A–D* e

II. Pledari tudestg-rumantsch grischun, LR, Cuira, 1983

DARMS, G. et al., *Pledari rumantsch grischun-tudestg, tudestg-ru-*

- mantsch grischun e Grammatica elementara dal rumantsch grischun, LR, Cuira, 1985
- Decleraziun universalala dals dretgs umans*, ed. ONU, Genevra, 1984
- DEPLAZES, G., *Istorgia da la litteratura per scola e pievel*, tom I, LR, Cuira, 1986
- Deutsch-rumantsch grischun*, pitschen glossari, ed. Banca chantunala grischuna, Cuira, 1984
- Disposiziun en cas da mort*, ed. VITA, Turitg/Cuira, 1983
- Fegls da la *cassa da cumpensaziun dal chantun grischun*
- FRANSIOLI, M., *Il Son Gottard e ses ospizis*, ed. Societad d'istorgia da l'art svizzer, Berna, 1983
- FROEHLICH, M., *Il palaz federal a Berna*, ed. Societad d'istorgia d'art da la Svizra, Berna, 1985
- Gasetta 1982/1983*, ed. Banca chantunala grischuna
- Gasetta 1983/1984*, ed. Banca chantunala grischuna
- Glista da las localitads*, PTT, 1983
- Glista dals numers postals*, PTT, 1983
- GOSCINNY, R., / UDERZO, A., *Asterix ed ils Helvets*, Dargaud/LR, Paris, Cuira, 1984
- Grammatica elementara dal rumantsch grischun, fonetica e morfologia, LR, Cuira, 1983
- Grammatica elementara dal rumantsch grischun, LR, Cuira, 1984
- Graubünden – Grigioni – Grischun, ed. Departament d'educaziun grischun, Cuira, 1984
- Guid atras la Biblioteca chantunala grischuna, ed. Bibl. chantunala grischuna, Cuira, 1983
- Guid 2000 onns Retoromania, LR, Cuira, 1985
- HIEBELER, T., *L'Engiadina*, ed. Silva, Turitg, 1985
- Il chantun Grischun*, ed. Uniun da Bancas svizras, Turitg, 1983
- Il guaud en Svizra*, ed. Dun svizzer da la Festa naziunala, 1983
- Illustraturs svizzers da cudeschs da maletgs*, ed. Schweizerisches Jugendbuch, Turitg, 1984
- Info 50*, ina segiranza da vita cun 50 onns – pertge betg?, ed. Vita, Turitg, 1984
- Introducziun en il schurnalissem pratic*, ed. Gasser SA, Cuira, 1985
- Ir en pensiun*, ed. Pro Senectute, 1984
- KOELZ, A., MUELLER, J.P., *Sboz per ina nova Constituziun federala*, Fischer, Münsingen-Berna, 1984
- La mort dal guaud e l'impestaziun da l'aria*, ed. Dep. federal da l'intern (DFI), Berna, 1984

- La nova seria da marcas*, ed. Pro Juventute, 1983
- La protecziun civila en Svizra*, ed. Uffizi federal per la protecziun civila, Berna, 1984/85.
- La Svizra 2½ linguatgs*, per part en rg, Desertina, Mustér, 1982
- La Svizra... sin sias marcas postalas*, ed. PTT, 1983
- La vita en il refugi*, ed. Uffizi fed. per la protecziun civila, Berna, 1984, 1985
- La Vita l'onn 1982*, ed. Vita, Turitg, 1983
- Las Alps svizras han in fundament profund*, ed. Program naziunal da retschertga 20: Structura geologica dal sutterren da la Svizra, Berna, 1986
- L'entrada da la Svizra en l'Organisaziun da las naziuns unidas*, ed. Cussegl federal, Berna, 1985
- Lescha federala davart la chatscha e la protecziun dals mamifers ed utschels selvadis*, Berna, 1983
- Lia grischuna per la protecziun da la patria*, program e rapport da laver, 1985
- Linguatgs en Svizra*, examens pedagogics per recruts, 1985
- L'ura da tiradurs dad IWC per Cuira*, 1985
- Manual da la promozion publica e privata da la cultura*, ed. Cuminanza da laver svizra da las fundaziuns culturalas e da l'Uffizi federal da la cultura, ed. Erpf. SA, Berna, 1983
- Material persunal da protecziun ABC*, ed. Armada svizra, 1983
- MENZLI, G., *Materialias d'instrucziun per emprender rumantsch grischun*, LR, Cuira, 1985, 1986 (2)
- MUOTH, S.A., *Meditaziun*, chanzun en rg, LR, Cuira, 1984
- Model da communicaziun – vischnancas en Svizra*, ed. Prognos Europäisches Zentrum für angewandte Wirtschaftsordnung, 1986
- MURK, T., *La Rajeta*, libret per in'opera rumantscha
- Nossa protecziun civila*, ed. Uffizi federal da la protecziun civila, 1986
- 700 Onns da la Confederaziun*
- Plan da basa per la laver d'educaziun e d'instrucziun en scolina*, ed. Societad da mussadras svizra, 1984
- Plantas dal guaud malsaunas*, ed. Institut fed. per retschertgas forestalas (FRF), center svizzer per l'educaziun a l'ambient (CSEA), Uffizi federal da selvicultura (UFS), 1983
- Pledari tudestg-rumantsch grischun I*, LR, Cuira, 1982
- Prenotaziun da vehichels per il provediment economic-naziunal*, ed. Uffizi federal da las truppas da transport, Berna, 1986
- Protecziun da la natira e da la patria*, ed. Uffizi federal forestal, Berna, 1984

- Protecziun da la patria*, ed. Lia grischuna per la protecziun da la patria, prospect
- Publicaziuns rumantschas*, LR, Cuira, 1985
- 6 reglas per far bogn*, ed. Societad svizra da salvament (SSS), 1983
- Requisiziun da vehichels per la protecziun civila*, ed. Uffizi fed. da transport, 1986
- Rumantsch grischun – Il gieu da l'i, Il gieu da las aucas*, ed. Gehring Verlag, 1984
- Rumantsch grischun, referats e materialias da lavur, LR, Cuira, 1983–86
- SCHMID, H., *Rumantsch grischun – Richtlinien für die Gestaltung einer gesamtbündnerromanischen Schriftsprache*, LR, Cuira, 1982
- Schweizer Illustrierte: Dossier «Pronts per il museum?»*, 1982
- Segirtad en il tegnair chasa*, ed. Fischer, Münsingen-Berna, 1984
- SEPHTON, D., *Tick, Tack*, ed. Primrose Publishing, 1982
- Differents texts per la *Societad d'apiculturs*
- Statuts dal chor viril Alpina*, Cuera, 1985
- Statuts dal chor mischedau romontsch Rezia*, Cuera, 1985 en rg
- Statuts da la Societad per promover la perscrutaziun da la cultura grischuna*, Cuira, 1986
- Survista statistica da la Svizra*, ed. Uffizi federal da statistica, Berna, 1983–1986
- Terra grischuna*, pagina rumantscha (per part en rg), 1984ss.
- Texts pli curts per il *Fond naziunal, uffizis federais, instituziuns svizras, assicuranzas e.a.*, 1982ss.
- TUOR, I., *l'Economia*, Kraltager SA, Altstätten, 1986
- Urari uffizial*, stad 1986, enviern 1987
- Utschels en iert*, ed. Staziun ornitologica svizra, Sempach, 1985
- ... *Viagiar pacific*, ed. PTT, 1986
- Vocabulari administrativ – giuridic* (en cuntuaziun), LR, Cuira, 1986
- Votaziun federala dal 1. da december 1985*, (vivisecziun), ed. Cussegl federal, Berna, 1985
- Votaziun federala als 16 da mars 1986* (ONU), ed. Chanzlia federala, Berna, 1986
- Votaziun federala als 28 da settember 1986* (Iniziativa da cultura; conclus da zutger), ed. Chanzlia federala, Berna, 1986